



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Qualis, quantae q[ue] praestantiae sit castitas uirginalis  
cap. ii

**urn:nbn:de:hbz:466:1-30433**

clofos uirginitatis præstantiam. E diuerso autem per  
 ligna dicit significari uirginitatem sed fatuam, & imper  
 fectam: per foenum rationale connubium, per stipu  
 lam, fictam pœnitentiam, & mendacem cœlibatum.  
 Huiusmodi etiam tripartitæ diuisionis figura in ea ipsa  
 Noe arca multo expressius continetur: in qua accurat  
 tissime trifida dominus facienda mandauit. Hoc est  
 tres descriptiones habitantium: infra scilicet, supra, &  
 in medio. Infima siquidem habitatio thalamum indi  
 cat conjugatorum, media uero demonstrat continen  
 tium sedem: suprema autem, quæ propinqua magis  
 cœlo est, uirginitatis solum præfiguratur. Hæc est tri  
 plex sanè totius humanæ uitæ distinctio sancta, & ap  
 probata diuinitus: quam Christianum, & catholicum  
 dogma, & omnis recte, honesteq; uiuendi disciplina  
 ita præscribit, & numerat, ut citra hos tres ordines ne  
 get quenquam posse alia uia saluari, & placere Deo.  
 Hic est ergo populus, qui saluatur, sed quia nõ est par  
 omnium præmium, nec idem in fide meritum, ideo  
 pro diuersitate officiorum erunt & in cœlo diuersæ  
 mansiones, secundum illud saluatoris nostri dicentis.  
 In domo patris mei mansiones multæ sunt. Verum  
 quum nobis de his tribus ordinibus hominum latius  
 differendum sit, iam adiutore Deo de uirginibus pri  
 mo dicere incipiamus.

1. Cor 3

Gene. 6

Ioan. 14

Qualis quantæq; præstantiæ sit castitas uir  
 ginalis. Cap. II.

**M**agna est profecto pudicitia conjugatorum,  
 quæ iuxta parabolam redemptoris trigessimam  
 rependit fructum: maior uero cœlibum conti  
 nentia, quæ sexagesimum: sed maxima omnium uir  
 ginitatis integritas, quæ reddit centesimum. Tenet  
 hæc omnis pudicitia principatum: tantoq; præstat  
 interuallo quanto sexaginta exuperant triginta: &  
 quanto rursus excellunt sexaginta, & triginta centum.

A liii

DE SACRIS VIRG.

Luc. 10

Exod. 1

Exod. 1

Exod. 1

Et enim hic in tantis concupiscentiæ stimulis uirginem  
 perdurare, supra naturæ planè nostræ uires esse uide-  
 tur: et angelicum munus sanè potius quàm huma-  
 num: quoniam iuxta illud: Quæ non nubent, et qui  
 uxores non ducent, æquales sunt angelis Dei. Nam  
 quod nunc angelorum duntaxat proprium est: erit tunc  
 eis post resurrectionem commune cum hominibus.  
 Quamobrem qui uirgines sunt, & continentes iam res-  
 surrectionis filii merito dici possunt: quum interim,  
 quod futuri sint aliquando in coelo, iam hic cæperint  
 esse degentes in terris. Est ergo commune donum &  
 angelorum, & hominum continentia: at qui id èt in  
 his supra angelorum uirtutem eminent, ut caro ipsa nes-  
 scia carnis sit. Angelis namq; naturæ beneficio, non ul-  
 lo suo studio, aut uirtute uirginitas inest: at hominibus  
 nihil ferè auersum magis à natura corporis, quàm ista  
 ipsa continentia uirginalis. Sed enim quicquid in ea re  
 præstatur, id diuinæ magis gratiæ, quàm animi uirtus  
 est, aut quàm hominis ingenio tribuendum est. Ange-  
 lorum itaq; uirginitas felicior sanè est: sed hominum  
 fortior, atque etiam admirabilior. Satis ergo uel ex  
 eo patet, quomodo homines fragili adhuc carne cir-  
 cundati ad angelicæ uitæ similitudinem propius acce-  
 dant, & uirginitatis decore primam illam parentum  
 nostrorum innocentiam representent: quam illi ipsi ser-  
 uarunt, quandiu in terrestri paradiso sine peccato man-  
 serunt. Nullus enim ante ipsam eorum inobedientiam  
 rei ueneræ locus fuit: sed post peccatum patefactus  
 est huc concupiscentiæ, sicut reliquis appetitibus ad-  
 tus: qua natura ipsa mortalitati hominum, quam in-  
 duxerat tunc temporis peccatum, maris, & foeminæ  
 commixtione succurreret: et mortale genus propaga-  
 tionis ope repararet. Quanto uero præstet corru-  
 ptioni uirginitas, hinc uel maxime apparere potest:  
 quæ uirgo illa sanctissima ex suis castis uisceribus nobis

## LIBER PRIMVS.

peperit saluatorem Deum et hominem Iesum: quod quidem miraculum per tot sæcula nullus nobis corruptæ mulieris quantumuis sanctæ partus efficere unquã potuit. Ex quo factum est, ut contracta sordes illa peccati, quæ statim ab initio totum mundum ob præuaricationem corruptæ mulieris infecerat, ob partum interneratæ uirginis tota deterfa sit: et subinde omnis mundus à letali contagio liberatus. Non est ergo cur amplius accusetur uirginitas sterilitatis, et quasi inanis, et infructuosa damnetur: quum sola uirgo preciosissimo suæ inuiolatæ uirginitatis fructu, quicquid maligni fuerat, antea perpetratum ita admirabiliter correxerit: ut mortem in uitam, et culpam commutarit in gratiam.

Hæc est, Deipara uirgo Maria, quæ ex sua carne purissima nobis ædidit redemptorem: et quæ prima omnium uirginitatem suam domino consecrauit: ex quo meruit eius effici mater, cuius et sponsa: et eius genitrix esse, cuius et filia. Hinc primum constat defluxisse illud sanctum institutum uirginitatis despondendæ Deo: ut nunc fit: et inde et Deum sponsum, et sponsam uirginem dici coeptum. Non imus tamen inficias et Hierosolymis uirgines quondam fuisse ad ministerium templi dicatas: sed nulla earum ante Deiparam uirginem inuenta est, quæ perpetuo in Dei sponsalia accersita diuinitus, seipsam Deo tam mente, quàm carne dicauerit. Uirginitatem quidem et illæ seruabant, sed tunc cui seruarent nesciebant. At qui modo apud Christianos ob amorem Christi tam late patet uirginitatis decor, ut non tantum fœminis dignitas huius nominis tribuatur, sed etiam maribus. Vnde in Apocalypsi Ioannes. Hi sunt, inquit, qui cum mulieribus non sunt coinquinati, uirgines enim sunt, et sequuntur agnum Apoc. 14 quocunq̃ ierit. Christus sanè uirgo, et Maria uirgo in utroque sexu sanctæ uirginitatis mysteria consecraverunt. Verum dicat aliquis. Quid de nuptiis? nonne et

DE SACRIS VIRG.

sanctæ, & benedictæ sunt : & à Deo ab ipso rerum præ-  
 mordio consecratæ . Sanctas quidem atque honorifi-  
 cas & honestissimas esse nuptias , quis sanus neget :  
 Sed nos modo ut Diuus Hieronymus ait , ita recipi-  
 mus nuptias , ut tamen uirginitatem nuptiis præfere-  
 mus . Iccirco recte facere dicimus , qui matrimonium  
 pari , & uirginitatem impari numero conferant : ac tan-  
 tum inuicem distare dicant , quantum par & impar inter  
 se differunt . Constat autem numerum imparem longe  
 perfectiorem esse pari : & iccirco ipsi Deo maxime cõ-  
 uenire . Vnde ille . Numero Deus Impare gaudet . Nã  
 et nos Christiani Deum dicimus trinum , & unum , nu-  
 mero semper impari . Vnus enim in substantia est , tri-  
 nus autem in personis . In arca quoque Noe de im-  
 mundis animalibus bina & bina : de mundis uero se-  
 ptena , & septena seruasse memoratur . Ethnici etiam  
 ipsi in suis superstitionibus obseruabant , ut diis suis ma-  
 nibus pari numero binas ubiq; aras dicarent , superis  
 uero dispari semper numero ternas . Ob eam quoque  
 rationem tres gratias dixere , et musas nouem . Recte  
 igitur impari numero uirginalis status , & pari matrimo-  
 nialis copula designatur . Porro uirginitas singularis  
 semper manet : matrimonium autem non nisi duorum  
 numero perficitur : sic enim scriptum est . Erunt duo  
 in carnem unam . Apparet ergo sanctitas matrimonii ,  
 et si magna est , inferior tamen esse uirginitate , ac etiã  
 coelibatui posthabenda . Matrimonium siquidem ter-  
 ram replet , uirginitas paradysum : matrimonium ter-  
 rena tantum sapit , uirginitas , ac coelibatus etiam cœ-  
 lestia . Nuptiæ etenim corpori duntaxat seruiunt , pers-  
 stantq; tam diu , donec alterius morte solutæ unã cum  
 cadaueribus efferantur . At qui sane uirginitas , et si  
 integritate carnis uideatur potissimum constare , ani-  
 mi tamen sapit naturam , et commercio interioris  
 hominis impensius delectatur : cum quo ẽ terris

Gen. 7

Gen. 1

Gen. 1

transcendens relicto quicquid terrenum est, & coelestia omni affectu, ac tota mente complectitur. Verum quia uirginitas uera proprie in anima est, ideo secuta animæ naturam, nequaquam extinguitur cum corpore: quinimmo tum maxime sentit uirtutem suam, quum relicto corpore, Christo sponso suo arctius copulatur: & absq; ullo amplius periculo, aut metu corruptionis indiuidua ei charitate coniungitur. Tunc enim perficitur illud coeleste connubium, & nuptiæ sempiternæ Dei, & animæ. Duplex quidem constat esse connubium, unum carnale scilicet, quod est legitima maris, foeminæq; coniunctio: alterum spirituale, uidelicet quum anima Christo Deo per carnis integritatem, superatis mundi turbibus copulatur. Et circa uirgo Deo deuota dum in hoc sæculo degit sponsa Christi est: quum uero hinc exierit, & ad nuptias illas coelestes ingressa fuerit, tunc merito coniuncta, deo coniunx appellabitur. Sponsalia nanque uirginum consummantur, ac perficiuntur in coelis: quando anima uinculis carnis exuta suum tandem complexa dominum, in coelesti thalamo ad sempiternum æuam fungendum confederit. Hanc autem præstantiam uirginitatis optime testatam apud posteros reliquit suo exemplo Helena Constantini imperatoris inclyta mater, & optima serua Iesu Christi: quæ, ut refert post Eusebium eius interpretes Rufinus, dum esset Ierosolymis ubi sanctam Christi crucem inuenit, uirgines quas ibi reperit Deo sacratas omnes inuitauit ad prandium, easq; in sponsi gloriam tanta ueneratione prosecuta est, ut indignum duxerit, si in eo conuulio hæc alio uterentur seruitio, quàm suo. Quare suis ipsamet manibus uelut uilissima famula aquam infudit, cibum apposuit, poculum porrexit quasi illæ coelestes reginæ, ipsa terrestris: tantoque eis inferior, quanto terrena coelestibus.

DE SACRIS VIRG.

Ioan. 2

Sed non est propterea quod damnet quis ullo pacto conu-  
nubium, quod inferiori gradu uirginitati succedat: quum  
Deus ipse et dominus Iesus non nisi ex coniugata uir-  
gine uoluerit nasci: et in suo ortu ita uirginitatem eli-  
gere, ut nuptiis nullo pacto quicquam uideretur detra-  
here uoluisse. Idem ferme innuitur, quod ille quoque nup-  
tius interesse uoluerit: ubi deficiente uino, ex aqua uinum  
fecit, multo laudabilius priore. Per uinum quidem  
quod in nuptiis defecit, designatur uoluptas matrimo-  
nii, quae cito consumitur: per aquam uero illo priore  
uino meliorem effectam, intelligitur continentia casti-  
tatis multo praestantior matrimonio, quod deficiente  
uino diximus comparari. In principio enim bonum  
fuit matrimonium, quod per uinum figuratur: at in fine  
melior uirginitas, quam per aquam uinum factam aptis-  
sime interpretari ualemus. Non est ergo quod quisquam  
audeat improbare, quod dominus ipse tam officiose  
probauit: neque dubitare utri plus detulerit uirginitati,  
an matrimonio, quum nobis ex matris electione, et  
ex discipuli dilectione, et ex propria uirginitatis obser-  
uatione, apertum uerum apertissimis argumentis oste-  
derit. Idcirco hanc ille in semetipso seruauit sanctis-  
sime, in matre elegit singularissime in Ioanne dilexit  
ardentissime, et nunc in cunctis approbat uehementis-  
sime.

Quid sit, quod quum tantae praestantiae sit uirginitas,  
nemini praecipitur. Cap. III.

**N**on est autem quod quisquam admiretur, aut an-  
xius quaerat, quid est quod quum tantae praestan-  
tiae sit uirginitas, nullibi tamen legatur ex prae-  
cepto legis à Deo cuiquam indici, nisi uouenti. Id sa-  
ne contigit, quod perfectorum est, et per paucorum ho-  
minum seruare castitatem: atque propterea uoti eam  
tantum esse uoluit, non praecipit. Quocirca Pharis-  
saeis dicentibus domino, Non ergo expedit nuberes

Matth. 19